

積學齋叢書

第
冊

積學齋叢書

卷一

周官禮經

注正誤

李金高邕書於泰山
殘石樓鏗下并漢

光緒庚寅五月

南陵徐乃昌校

周官禮經注正誤

甘泉張宗泰綴述

天官冢宰第一

乃立天官冢宰注宰主也今本宰誤作掌按釋文冢宰
下引鄭云宰主也又此注引論語言冢宰於百官無
所不主則當從釋文作宰爲是

五帝則掌百官之誓戒注祀五帝於四郊及明堂今
本於誤作謂按疏依月令四時迎氣及季夏六月迎
土氣於南郊其餘四帝各於其郊并夏至祭所感帝
於南郊故云祀五帝於四郊也據此則作於爲是當
依疏正之

天官冢宰下

宮人掌王之六寢之脩釋文劉音修本亦作修按說文脩脯也从肉攸聲修飾也从彡攸聲是二字文異而義亦不同此宮人職應作修飾解而經作脩故劉音修又春官鬯人廟用脩釋文音卣羊久反又音由司尊彝凡酒脩酌鄭司農云脩酌者以水洗勺而酌也鄭康成謂脩讀如滌濯之滌釋文脩直歷反注同是凡不作脩脯解而文作脩者陸俱一一音之此外必修脩不相混陸方不音今本他職概作脩而此處釋文亦無他倣此字樣知皆誤也當各依義正之

地官司徒第一

序官廩人注盛米曰廩釋文盛音成按今本皆作藏米
曰廩而注中別無盛字釋文於此有音蓋今本誤以
盛爲藏也當以釋文正之

鄉大夫各憲之于其所治注疏本治下有之國二字誤
國有大故注疏本無國字

地官司徒下

載師以廛里任國中之地注亦以口受田如比今本比
誤作此按疏是其餘衆男爲餘夫亦以口受田如正
夫之比類據此則此爲比之誤也故正之

遺人十里有廬廬有飲食注廬若今野候處有庠也處
今本誤作徒按疏此舉漢法以況義漢時野路迎候

賓客之處皆有房舍是徙爲處之誤也故正之

春官宗伯第三

序官大師下大夫二人小師上士四人瞽矇上瞽四十
人中瞽百人下瞽百有六十人眡矇三百人今本此
下誤衍府四人史八人胥有十二人徒百有二十人
十七字按疏直云瞽矇三百人

上瞽中瞽下瞽共得此數無府史

胥徒者以其無目不須人使是以有眡矇三百人而
已疏又云案其職大師少師瞽矇眡矇四者皆別職
又無府史而并言之者以其大師小師爲長故連類
言之據此則此官無府史胥徒審矣當依疏正之

馮相氏注引月令宿離不貢今本貢誤作貸按釋文貢

吐得反或音二據此則此二音皆是从弋得聲者若上多傍人則當音代矣非是當依釋文正之

大宗伯大賓客則攝而載果注果讀爲裸釋文果古亂反音裸小宗伯以待果將注果讀爲裸及果築鬻釋文果古亂反下同據此是此二職本作果不作裸故注及釋文詳之與凡亦作某者不同今本多誤作裸外此唯鬻人職凡裸事用概釋文依注音埋蓋自此后以下始有作裸者

小宗伯四類亦如之注鄭司農云四類三皇五帝九皇六十四氏咸祀之今本氏誤作民按史記九皇氏沒六十四氏興六十四氏沒三皇興路史注謂大史公

周官疏注上言
以攝提紀五十九姓合五龍紀五姓爲六十四氏是
當爲姓氏之氏而非民也然疏引史記亦誤作民不
可不依路史注正之都宗人注同

天府若祭天之司民司祿而獻民數穀數則受而藏之
釋文上所主反下所具反是以數穀數爲句而注則
曰祭此二星者以孟冬旣祭而上民穀之數于天府
是又以民數穀數爲句上下皆當作所具反矣注與
釋文相歧豈此職本作獻民數數穀數故釋文有所
主反一音而今經文或闕歟惜後司民職及小司寇
職俱單言民數而不及穀數無可互證今特錄陸氏
之音以俟攷焉

典瑞瑑圭璋璧琮注鄭司農云瑑有圻鄂瑑起釋文圻
魚巾反今注及釋文圻皆从土而賈昌朝羣經音辨
則附於沂字之下沂水出東海也魚依切書淮沂其
乂沂鄂也魚斤切鄭康成說禮瑑圭璋謂有沂鄂瑑
起是此字在宋以前亦从彡也故特錄之以備一說
唯賈以司農爲康成未免於誤

司服祭社稷五祀則希冕釋文希本又作絺陟里反劉
豬履反按注希讀爲絺或作希字之誤也據鄭氏讀
爲絺則字惟作希不作絺陸氏所見非定本也今本
亦有誤作絺者當依注正之

凡兵事韋弁服注今時伍伯緹衣伍今本誤作五

王爲三公六卿錫衰爲諸侯總衰注無事其縷衰在內
無事其布衰在外疑之言擬也擬於吉今本哀皆誤
作衰吉誤作言

世婦凡王后有拜事于婦人則詔相今本拜誤作擯按
釋文于此無音唯卷下大祝辨九擯方有擯音拜此
職如已作擯陸氏不應舍先而音後也大凡經之有
古體字者不必全本皆同如士儀禮首篇廟作庑後
凡廟只作廟不作廟由此推之周官可知唯大祝職
方作擯觀後秋官司儀皆作拜則大祝前後必無擯
字後人不知誤以爲全經皆當作如此寫失之矣當
以釋文正之

說文擯从手擯臣鉉曰擯進趨之疾也故拜从之擯音忽从本𠂔聲字在本部

本从大从十讀若滔是𣎵典下从𠂇不从本今周官
本皆誤从本良由相沿而不之考耳說文凡本之屬
皆从本亦作𠂇蓋下筆
之變故釋文擗作擗

春官宗伯下

大師掌六律六同以合陰陽之聲注蕤賓又下生大呂
之六四大呂又上生夷則之九五夷則又下生夾鍾
之六五夾鍾又上生無射之上九按上字皆當作下
下字皆當作上傳寫之誤也疏子午巳東爲上生子
午巳西爲下生又呂氏春秋音律篇黃鍾大呂太簇
夾鍾姑洗仲呂蕤賓爲上林鍾夷則南呂無射應鍾
爲下蓋黃鍾子之氣也蕤賓午之氣也連大呂丑太

簇寅夾鍾卯姑洗辰仲呂巳是爲東之七位而林鍾

周易神機注上言
五
爲未之氣自是以西至應鍾爲亥之氣爲五位中惟
蕤賓生大呂是上生上餘皆上下間生故注又云五
下六上乃一終矣不可不正

大卜則眊高作龜注卜用龜之腹骨今本用誤作因以
疏按

龜人祭祀先卜注世本作曰巫咸作筮卜未聞其人也

按作曰二字當衍其一

巫咸作筮句卜未聞其人也句疏故巫咸得作筮之名未

聞其源世本又不言其人故云未聞其人也似誤以巫咸作筮卜爲句否則未聞其源句上誤落卜字乃昌按巫咸作筮係引世本作篇文故有作曰二字張氏似未之知

大祝言甸人注甸人主設復禘今本禘誤作稊釋文从

禾當以釋文正之

內史則策命之注策謂以簡策書王命舊本此八字在其文曰上一本在受策以出下於義較長當從之

御史掌贊書數凡從政者今本數凡誤作凡數按注鄭司農讀爲掌贊書數者經禮三百曲禮三千後鄭以爲不辭改之故以掌贊書句而於下句謂自公卿以下至胥徒凡數及其見在空缺者釋文亦作數凡音所主反是數字在書之下凡之上今本係由注有凡數字而誤據先鄭說則釋文不誤當以釋文正之

夏官司馬第四

序官校人注校之爲言校也主馬者必仍校視之言校

仍校疑當作效按疏校之爲言校也者讀從曲禮少

儀

二字當衍

效馬效羊取效見義以其養官畜者必效見

之釋文亦云校戶教反从木若从手旁是比校之字耳今人多亂之注校之校人同如言效仍效亦俱作校則釋文當統云注同而不特言注校之校人同矣是此二字必不作校宜依疏及釋文正之

射鳥氏掌射鳥注鳬鴈鵠鴝之屬釋文鵠音保今本鵠作鵠與釋文異

夏官司馬下

司弓矢夾弓庾弓以授射豸侯鳥獸者釋文庾師儒相傳讀庚本或作庾按考工記弓人職往體多來體寡

謂之夾與之屬釋文上古洽反劉古協反下音庾則又音庾不讀庚疑此職釋文庾本作庾以字體相近而誤而經只作與釋文作師儒相傳讀庾本或作庾方與考工記合

大馭祭軌乃飲釋文音犯注同是注故書軌爲範又云軌當爲軋皆當从凡而釋文於當爲軋上一字作軌云媿美反又音犯夫音犯則當从凡媿美反則當从九後注當爲軋不過較上故書爲範少一竹頭範軋雖爲上一字而辨不應前作軌而後作軋也恐此職經注皆當作軌釋文所據非定本誤多媿美反一音以致今本軌軌二字皆誤爲車旁丸更不成字今姑